

修真十書武夷集卷之四十七 菜玉

海 南 白 玉 塘 著

法曹陳過謝恩奏事朱章

上清大洞寶籙弟子五雷三司判官知北極  
驅邪院事 臣 白玉塘稽首再拜

上言 臣聞太極仙翁有言曰學法之士如赤  
體撈白刃耳 臣觀此言莫不戰慄虛靜先生  
張繼先有言曰人生百年一彈指閉眼風刀  
即立至 臣觀此言愈增驚悸 末學庸輩濫  
居道間措心立教朝夕駭憂自愧疎愚戒德  
○ 達缺四方學者來如牛毛設若普接而授之  
以道德又恐泄露天機苟若不納而警之以  
戒條則是障拒後學或若擇善拔尤而間度  
一二復慮庸者際進鄙者薄來 臣夙荷師恩  
叨傳法與寶佩心印未嘗輕慢仰遵科戒如  
履薄冰晦迹遁名莫敢彰露 臣童髫何知自  
護毛羽仰惟三寶洞察愚衷豈容飾辭委實  
具禱以今吉辰伏地貢章一週上詣三天曹  
謹據太上三五都功正一盟威弟子施某等  
昨各已錄心詞上奏天庭乞行傳度已為勝

申都省依科給帖充授法職尋即擇日建壇  
訓符破券撥將統兵分司隸事然後以篆殿  
瓊書心傳口訣茲則同發誠心謹取今月某  
日虔就武夷山昇真玄化洞天修設三界高  
真謝恩清醮幾分延奉上真仰酬玄造更祈

景脫及 臣等身 臣愚輒以已見為陛下陳之  
夫法士有大不易者七有深可畏者六何哉  
謂如世俗澆漓風教墮墜迷迷相指以盲指  
盲此則遇真師之難所以為大不易者一也  
文書謬誤法乖舛屢中落步况中漏句此  
則得真法之難所以為大不易者二也科戒  
嚴明條律警肅難行易犯迷真者多此則奉  
具戒之難所以為大不易者三也坐火焚和  
淫風鼓善正氣斷喪元精凋敗此則全真氣  
之難所以為大不易者四也上真威儀神將  
服色方寸難思一念不純此則存真想之難  
所以為大不易者五也天神地祇正直威儀  
監功建節糾察絲毫此則辨真心之難所以  
為大不易者六也朝昏告急寒暑請行不敢  
苟財愈當戮力此則立真功之難所以為大

不易者七也所傳法書符圖印訣妄示非人  
必招風雷地獄鋒戟裂體之報此乃深可畏  
一也所稟戒律非時外色報有侵犯必招灰  
池地獄火焰烙體之報此乃深可畏二也欽  
奉三寶朝謁靈真不知避忌必招火網地獄

風刀考身之報此乃深可畏三也神將香火  
朝夕不虞號召失節必招寒冰地獄黃繩束  
頸之報此乃深可畏四也用心輕重處事高  
低或勤或惰必招鐵丸地獄犁牛耕舌之報  
此乃深可畏五也行法既顯必有褻賄多致  
貪婪必招黑暗地獄萬苦逼身之報此乃深  
可畏六也以此七之大不易六之深可畏言  
之使 疎肩縮頸心痛鼻酸 臣一介昏庸仰  
賴  
太上慈悲許容 臣等披肝瀝膽雪罪首愆苟  
有愆尤俱蒙赦釋 臣所奏前件受法弟子幾  
名伏望  
聖慈特賜勅旨 臣所奏付太玄都省檢照  
前後所申即行通報諸司合屬去處仍乞指  
揮差撥法中合干將帥部領兵馬統轄吏典

應時降赴法官姓某等各人法壇香火街治之所駐劄防禦聽候呼召兵隨印轉將遂符行凡遇行持遂依法令發遣符命祈禱驅攘大闡靈通明彰報應名標玉籍職領金班膚掌握將兵之權滋糾察鬼神之政代天行化

為國救民斬妖除魔芟邪立正得蒙允可且喜且驚勉勵身心私自積累三千功滿八百行圓別詣仙都各期遷選九玄七祖同獲善功六道三塗普沾善果臣愚謹因二官真事正一功曹左右官使者陰陽神決吏置風騎置吏驛馬上章吏飛龍騎吏等官各二人出操臣所為施茶等進拜法壇傳度首過謝恩奏事朱章一通上詣三天曹請進太上虛无丈人官太清曹治紫靈宮伏願告報臣誠惶誠恐頓首稽首再拜以聞

太清玄元太上无極大道太上道君虛无丈人太上老君太上丈人天帝君天帝丈人九老仙都君九炁丈人百千萬億重道炁千二百官君太清玉陛下臣姓白係金闕選仙舉進士見在冲佑觀東南隅醮壇所伏地聽命

職謝朱表

上清大洞寶籙弟子五雷三司判官知北極驅邪院事臣白某右某言伏以紫鸞嘯月青皇垂羽葆於樞宮白鶴呼雲赤帝降霓旌於機舍奉

金闕絲綸之詔下瑤臺契券之符與黔庶以救愆為羣黎而弭禍辦棗柏松之籠映仰楓槐柳杏之星壇建破甲庚推側魁罡之象坎離子午步占晦朔之躔以心詞上瀆於龍顏願

聖意下觀於蟻牘恭惟比極紫微中天太皇大帝陛下道境元始德契昊天煙殿垂衣霜臺降輦陽明大聖統康貞武曲以贊襄陰精明君協文曲祿存而叱輔洞明掌威福之柄隱元隸生教之權破軍

居水位之尊北極領星河之政有禍皆攘而有罪皆懺無病不治而無邪不摧臣以大宋國福建路建寧府崇安縣武夷山冲佑觀管轄道士施某叨屬人倫幸沾聖化凡胎肉質火宅塵勞六根招貪愛之愆三業致昏迷之

謹八卦有方隅之干犯五行慮運度之變更三官追魂四府錄咎述遭頻併疾厄綿延發露愚衷借干天聽瓊輝俯燭壁耀分輝攀羊神王驅命位身宮之厄陀羅使者殄年連月寒之憂北斗六十曹官雷掣七傷八難南陵

七千神將雷轟九橫三災斗中天罡斬妖邪而息禍躔外太乙消兇毒以潛蹤天關飛晨丹元合景玄冥除瘟疫之孽瑤光滅水火之災却神熱土氣之侵凌糾司命竈君之注射鄴都削籍獄府除名官符病符口舌符額然

殞滅報障業障煩惱障自此驅除法療功曹錫梵府六晨之藥天醫使者降仙都九轉之丹五炁周流六脉安靜三官升降七液冲融榮衛寧和經絡爽暢勾陳隱景華蓋藏形的

水獻花不勝虔切踴天躋地願賜屍洪謹爾敷陳早希昭報臣謹具表奏以聞臣誠惶誠恐頓首稽首謹奏謹白  
太歲丙子嘉定九年正月日上清大洞寶籙弟子五雷三司判官知北極驅邪院事臣白某表奏臣姓白係金闕玉皇選仙舉

進士見在醮壇所伏地聽命

表奏法壇傳度首過謝恩朱章

泰玄都正一平炁係天師清微天化炁南嶽先生赤帝真人神霄玉府五雷副使上清大洞經錄弟子臣某稽首再拜

上言臣竊謂陳章奏牘所以開懺謝之門也飛神御氣所以入朝謁之路也傳真度妙所以襲正一之風也陞秩登班所以按薦舉之法也承流宣化所以闡驅攘之教也芟邪立正所以崇清淨之道也臣得以言之方寸未澄徹者豈知道之清淨訣法未靈驗者豈知教之驅攘言行未純粹者豈知法之薦舉真偽未辨明者豈知風之正一形神未洞融者豈知路之朝謁迷愚未警悟者豈知門之懺謝故茲不易之理也臣乃知之悛心首過然後可以陳章奏牘臣聚神然後可以飛神御氣臣心學道然後可以傳真度妙正心誠意然後可以陞秩登班盡心利物然後可以承流宣化洗心潔已然後可以芟邪立正陛下以為然耶否耶臣之所以陳章奏牘者

越起乎太虛寥冥之間若是而飛神御氣者亦無他故蓋於五濁惡世之中為

陛下擇賢選德僅有一人焉必欲因是而傳真度妙使之陞秩登班承流宣化芟邪立正設有片善寸長足以少裨天政雖臣之功也皆

陛下之事也如是而願揚道法如是而表率世俗昭然於人天耳目之間則三界萬靈豈勝幸甚臣以今吉辰伏地貢章一通上詣三天曹伏為九紫離宮斗牛分野大宋國施某詞稱命係某生上屬某星係天師某治某炁言彼中元三炁君召即日謹齋香信叩頭請道自陳竊念某叨居盛世獲造玄邦濫綴簪裳幸傳教法雖勤講究未悟靈真忝遇師緣輒紬臆惴度誠俯地發露盟天願傳天上九靈飛步章奏大法一階騰神飛章朝謁關奏復自稽顙與嗟希有難遇併傳太上紫柁玉晨洞陽飛炁鍊度大法一階攝召幽靈行持鍊度拜章既爾鍊度復然苟有驅攘以何感應仍受

太上五雷大法一階禱雨祈晴呼風召雪封山破洞伐廟除邪斬穢蛟龍制伏狼虎驅除旱魃掃蕩蝗螟瘵病獲災賞善罰惡盡肘步膝行之切願心傳口授之真臣按如詞言不容杜隱昨為騰申都省已嘗飛奏

天庭幸玉籍以標名必金班而註秩擇日建壇而度法依科撥將以交兵軟血飲丹剖環析券尚慮告盟之際及當傳授之間揣已何堪捫心有愧或萬一藁具而獲譴故再三對帝以陳情念蠢爾之愚庖賴惠然而貸宥臣以某七生罪管三世愆尤願開無垢之門使有自新之路尋真竊妙法學到於希夷鍊靜凝虛心自然於清淨願領尸化民而晁勉願登仙度世以逍遙七祖先亡咸希超度諸司將吏併乞榮遷三界蒙恩萬靈獲福苟非

太上天闡慈悲豈許小臣輒申悃悞臣愚謹因二官直事正一功曹左右官使者陰陽神決吏星風騎置吏驛馬上章吏飛龍騎吏等官各二人出操臣所為施某進拜法壇傳度首過謝恩朱章一通上詣三天曹請進

太上虛无丈人宮太清曹治紫雲宮伏願告  
報臣誠惶誠恐頓首再拜以聞

太清玄元太上无極大道君虛无丈人太上  
老君太上丈人天帝君天帝丈人九老仙都  
君九炁丈人百千萬億重道炁千二百官君

太清玉陛下

太歲 年 月 日 具位 臣 白 某 奏

臣姓白係金關玉皇選仙奉進士見在冲  
佑觀聽命

雷府奏事議勳丹章

○ 蘇玄都正一平炁係天師清微天化炁天嶽  
先生赤帝真人上清大洞寶籙弟子 臣 白某  
稽首再拜

上言臣乃神霄典雷小吏也粗諳雷霆所典  
之事忝佩雷霆所授之書飽識雷霆所行之  
法然於其間紀述或訛傳授或泛是以繁中  
指迷謬中訂正玄處得訣妙處得呪難知而  
易行難傳而易學臣所學臻此悉為  
陛下言之臣聞陰陽二炁結而成雷既有雷  
霆遂分部錄九天雷祖因之以剖析五屬神

霄真王用之以率御三界質之於金笈考之  
於玉籙謂如五雷者嘗有疑焉玉樞之雷書  
曰一乃天雷也二乃神霄雷也三乃水官雷  
也四乃龍雷也五乃柱雷也神霄之雷書曰  
一乃風雷也二乃火雷也三乃山雷也四乃  
水雷也五乃土雷也大洞之雷書曰一乃聖  
炁威靈震動雷也二乃震雷哮吼霹靂雷也  
三乃八靈八宿邵陽雷也四乃波捲水雷也  
五乃正直霹靂閃電大洞雷也仙都之雷書  
曰一乃天雷也二乃地雷也三乃風雷也四  
乃山雷也五乃水雷也北極之雷書曰一乃  
龍雷也二乃地雷也三乃神雷也四乃柱雷  
也五乃妖雷也太乙之雷書曰一乃東方青  
氣木雷也二乃南方赤氣火雷也三乃西方  
白氣金雷也四乃北方黑氣水雷也五乃中  
央黃氣土雷也紫府之雷書曰一乃春雷也  
二乃夏雷也三乃秋雷也四乃冬雷也五乃  
軒轅雷也玉晨之雷書曰一乃紫微雷也二  
乃鄭都雷也三乃扶桑雷也四乃微府雷也  
五乃城隍雷也太霄之雷書曰一乃甲乙雷

也二乃丙丁雷也三乃戊己雷也四乃庚辛  
雷也五乃壬癸雷也太極之雷書曰一乃神  
霄雷也二乃地府雷也三乃水官雷也四乃  
九州雷也五乃里域社廟雷也太上所傳雷  
書若夫前件十本所載各有異同古之五雷  
未審以何為正者也世傳三十六雷猶可疑  
也抑又可議也一曰玉樞雷二曰玉府雷三  
曰天卜玉柱雷四曰上清大洞雷五曰火輪  
雷六曰灌斗雷七曰風火雷八曰飛捷雷九  
曰北極雷十曰紫微瓊樞雷十一曰神霄雷  
十二曰仙都雷十三曰太乙轟天雷十四曰  
紫府雷十五曰鐵甲雷十六曰邵陽雷十七  
曰欽火雷十八曰社令蠻雷十九曰地祇火  
瑞雷二十曰三界雷二十一曰斬癩雷二十  
二曰大威德雷二十三曰六波雷二十四曰  
青草雷二十五曰八卦雷二十六曰混元鷹  
犬雷二十七曰嘯命風霆雷二十八曰火雲  
雷二十九曰禹步大統攝雷三十曰太極雷  
三十一曰劍尖雷三十二曰內鑑雷三十三  
曰外鑑雷三十四曰神府天樞雷三十五曰

大梵斗樞雷三十六曰玉晨雷此而謂之三十六雷是耶非耶所謂五雷則雷法何其多耶抑神仙至人役使異妙耶抑經錄文書紀錄不一耶謂如天洞天眞之神畢火畢眞之神天鳥天鎮之神威猛丁辛之神冰輪水鉢之神流光火輪之神滴昔喝伽之神太乙元皇之神咬網雀吉之神天雷風領之神火猪黑犬之神火鷹腥煙之神天關霹靂之神鐵甲飛電之神仙都火雷之神山雷火雲之神風火元明之神火伯風霆之神勾婁吉利之神織女四歌之神玉雷浩師之神洞陽幽靈之神四明公賓之神火光流精之神虛乘太華之神金精清思之神蒼牙鐵面之神散煙靈黑之神雷主閼伯之神木狼奎光之神欵火律今之神邵陽火車之神狼牙猛吏之神六波捲水之神飛鷹走犬之神流金火鈴之神此之三十六神或曰三十六雷不容無疑焉今而據之於丹青景畫則箕星所以掌天雷也房星所以掌地雷也奎星所以掌水雷也鬼星所以掌神雷也婁星所以掌妖雷也

天雷屬箕星故有天鳥天鎮天洞天眞之神地雷屬房星故有雷主閼伯火伯風霆之神水雷屬奎星故有木狼洞陽金精浩師之神神雷屬鬼星故有欵火律今邵陽狼牙之神妖雷屬婁星故有丁辛滴昔喝婁伽夜之神故曰獨以此為正也古今所傳雷法凡數階矣其彰靈著驗赫赫然於天下後世夫雷霆不可掩之物人誰不知其有雷也雷霆者所以彰天威所以發道用天威無所彰則幽明異致孰為之禍福也道用無所發則陰陽二氣孰為之生殺也陰陽二氣而發道用所以彰天威以幽明異致而彰天威則可以發道用是故瑕不晦賞也膏不匿罰也若夫吡祠列社皆祭祀也靈壇古跡皆鬼神也其間必有慈孽也富室賤隸皆享受也端人詭士皆流輩也其間必有善惡也鬼神有罪則流輩何以訴之流輩有孽則鬼神何以鳴之於戲皇天所以建雷城設雷獄立雷官分雷治布雷化示雷刑役雷神統雷兵施雷威運雷器是皆幹賞罰之柄宰生殺之權以之於陰

界可以封山破洞斬妖馘毒以之於陽道可以除兇誅逆伐奸戮震宜乎發道用也彰天威也此陰陽二氣得其施設也幽明異致得其影響也天地之內萬物峙立未有不稟陰陽而生生者也所以有形有想者為人無形有想者為鬼人處於陽鬼處於陰以是而出入四生循環六道苟非天有雷霆則何以示刑憲而訂頑矧愚者乎念臣夙生慶幸叨造雷班誓願行持未嘗少懈以今吉辰伏地貢章一通上詣三天曹謹遣臣法中風火元明君火伯風霆君雷主閼伯神君火鈴霹靂天仙蒼牙鐵面大仙龍雷捲水神君風火龍騎震天沸海神君霹靂火光銀牙耀目神君欵火律今大神雷公火車元帥三五鐵面火車大將軍三五邵陽主帥將軍霹靂火車腥煙使者四聖聽察迴車使者浮雲降電力士橫身飛雲使者移山翻海鐵甲使者洞風鼓震天威赤文使者風雷金鈴火鈴使者五雷飛捷使者雷陣左右使者散雲送火禁炎使者西臺雷雨吏負天擔石太微今威劔震靈吏

四季風雨令玉光金精上吏吞魔啖妖天甲  
 神吏丹元刑部都吏擒龍捉孽撼山神君吹  
 海颺波靈華猛吏飛雲走電神吏太歲將軍  
 掌奕竊使者五方雷公將軍天雷晃光將軍  
 水雷電光六龍將軍玉樞殿下左右二神將  
 北極殿下左右二神將蓬萊雷霆司左右二  
 神將三十六雷鼓力士嘯命風雷大將五雷  
 諸司將帥五雷諸司吏兵五方蠻雷使者隨  
 章同詣都官閱量勳烈磨勳功勤註者為升  
 授者為轉差者為除選者為擢約以今年十  
 二月辛亥日遣令五雷官吏將兵預赴元應  
 天皇府錄功紀績併於丙子年正月初一日  
 天臘之晨徑上  
 玉清朝謁乞於三月初七日得預天曹舉選  
 賞會至於正月初一日甲子之晨太乙簡閱  
 神祇之旦使五雷將吏各獲一功聽候正月  
 十五日上元天府官賜福之晨悉赴  
 北極紫微璿樞官例出一職各轉一資臣當  
 願九玄七祖同獲昇遷三界鬼神咸沾福利  
 然後願臣祈晴禱雨召雪興雲攝電呼雷驅

風降電封山破洞伐廟除魔誅斬蛟龍制伏  
 狼虎驅穰水火遣逐旱蝗為民禳災驅邪治  
 病行遣符命顯現報應臣伏望  
 陛下降注紫靈玄一之炁流入臣身中三焦  
 五臟之內灌溢三元九宮之中臣心廣體  
 胖神清氣爽學道得道求仙得仙臣愚謹因  
 二官直使正一功曹左右官使者陰陽神訣  
 吏科車赤符吏置風騎置吏驛馬上章吏飛  
 龍騎吏等官各二人出為臣操今辰所上雷  
 府奏事議勳丹章一通謹上詣三天曹請進  
 太上虛无丈人官都候曹治太白官伏願告  
 報臣誠惶誠恐稽首再拜以聞  
 太清玄元太上无極大道太上道君虛无丈  
 人太上老君太上丈人天帝君天帝丈人九  
 老仙都君九炁丈人百千萬億重道炁千二  
 百官君太清玉陛下臣  
 維皇宋太歲乙亥嘉定八年冬十有二月  
 二十七日辛亥吉時於武夷山冲佑觀之  
 西南隅再拜上臣姓白係金闕選士見在  
 拜章所聽命

修真十書武夷集卷之四十七